

摛藻堂四庫全書薈要

集部

欽定四庫全書  
欽定全唐詩卷一百五十五

集部

御定全唐詩卷一百五十

劉長卿

奉使新安自桐廬縣經嚴陵釣臺宿七里灘下  
寄使院諸公

悠然釣臺下懷古時一望江水自潺湲行人獨惆悵新  
安從此一作茲始桂檝方蕩漾回轉百里一作間青山干

萬狀連崖去不斷對嶺遙相向夾岸黛色愁一作沈沈

綠波上夕陽留古木水鳥拂寒浪月下扣舷聲煙中採  
菱唱猶憐負羈束未暇依清曠牽役徒自勞近名非所  
向何時故山裏却醉松花釀回首唯白雲孤舟復誰訪  
題武丘寺

青林虎丘寺林際翠微路仰一作却見山僧來逕從飛鳥  
處茲峰淪寶玉千載唯丘墓埋劒人空傳鑿山龍已去  
捫蘿披翳蒼路轉夕陽遠虎嘯崖谷寒猿鳴杉一作桂松  
暮裴回北樓上江海窮一顧日映千里帆鴉歸萬家樹

斃因愜所適果得捐外慮庭暗棲閒雲簷香滴甘露久  
迷空寂理多爲繁華故永欲投死生餘生豈能誤

奉餞鄭中丞罷浙西節度還京

天上移將星元戎罷龍節三軍含怨慕橫吹聲斷絕五  
馬嘶城隅萬人臥車轍滄洲浮雲暮杳杳去帆發回首  
不問家歸心遙向闕煙波限吳楚日夕事淮越弔影失  
所依側身隨下列孤蓬飛不定長劍光未滅綠綺爲誰  
彈綠芳堪自擷悵然江南春獨此湖上月千里懷去思

百憂變  
華髮頌聲滿江海  
今古流不竭

送裴四判官赴河西軍試

吏道豈易愴如君誰與儔  
逢時將騁驥臨事無全牛鮑  
叔幸相知田蘇頗同遊  
英資挺孤秀清論含古流一作風流

又作九流出塞佐一作復

持簡辭家擁鳴駒憲臺貴公舉幕府

資良籌武士佇明試皇華  
難久留陽關望天盡洮水令  
人愁萬里看一鳥曠然煙霞收  
晚花對古戍春雪含一  
寒邊州道路難暫隔音塵那一作可求他時相望處明

月西南樓

旅次丹陽郡遇康侍御宣慰召募兼別岑單父

客心暮千里回首煙花繁楚水渡歸夢春江連故園羈

人懷上國驕虜窺中原胡馬暫爲嘗漢臣多負恩羽書

晝夜飛海塞

一作

內風塵昏雙鬢日已白孤舟心且

一作  
可

論繡衣從此北

一作

來汗馬宣王言憂憤激忠勇悲歡動

黎元南徐爭赴難發卒如雲屯倚劍看太白洗兵臨海

門故人亦滄洲少別堪傷魂積翠下京口歸潮落山根

如何天外帆又此一作波上尊空使憶君處鶯聲催淚痕

客舍贈別韋九建赴任河南韋十七造赴任鄭縣就便覲省

與子頗疇昔常時仰英髦弟兄盡公器詩賦凌風騷頃者遊上國獨能光選曹香名冠二陸精鑒逢山濤且副倚門望莫辭趨府勞桃花照綠服草色連青袍征馬臨素灘離人傾濁醪華山微雨霽祠上殘雲高而我倦棲

屑別君良鬱陶春風亦未已旅思空滔滔拙分甘棄置  
窮居長蓬蒿人生未鵠化物議如鴻毛迢遞兩鄉別殷  
勤一寶刀清琴有古調更向何人操

送元八遊汝南

元生實奇邁幸此論疇昔刀筆素推高鋒鋩久無敵縱  
橫濟時意跌宕過人蹟破產供酒錢益門皆食客田園  
頃失計資用深相迫生事誠可憂嚴裝遠何適世情薄  
恩義俗能輕窮厄四海金雖多其如向人惜迢遞朗陵

道悵望都門夕向別伊水南行看楚雲隔繁蟬動高柳  
疋馬嘶平澤溝潦今正深波湖未澄碧人生不得已自  
可甘形役勿復尊前酒離居剩悽戚

奉和李大夫同呂評事太行苦熱行兼寄院中  
諸公仍呈王員外

迢遞太行路自古稱險惡干騎儼欲前羣峰望如削火  
雲從中出一作起仰見飛鳥落汗馬臥高原危旌倚長薄  
清風竟何一作不至赤日方一作煎鑠石枯一作露山木燋

鱗窮水泉涸九重今旰食萬里傳明略諸將候軒車元  
凶愁鴟鑊何勞短兵接自有長纓縛通越事豈難渡瀘  
功未博朝辭羊腸阪夕望貝丘郭漳水斜遠營常山遙  
入幕永懷姑蘇下遙寄建安作白雪和難成滄波意空  
託陳琳書記好王粲從軍樂早晚歸漢廷隨公一作君上

麟閣

洛陽主簿叔知和驛承恩赴選伏辭一首

仲父王佐材屈身仇香位一從理京劇萬事皆容易則

知無不可通變有餘地器宇溟渤寬丈鋒鎧錚利憧憧  
洛陽道日夕皇華使二載出江亭一心奉王事功成良  
可錄道在知無愧天府留香名銓闈就明試賦詩皆舊  
友攀轍多新吏綵服辭高堂青袍擁征騎此行季春月  
時物正鮮媚官柳陰相連桃花色如醉長安想在目前  
路遙騁鬚落日看華山關門逼青翠行轡稍已隔結戀  
無能慰誰念尊酒間裴回竹林意

題冤句宋少府廳留別

宋侯人之秀獨步南曹吏世上無此才天生一公器尚  
甘黃綬屈未適青雲意洞澈萬頃陂昂藏千里驥從宦  
聞苦節應物推高誼薄俸不自資傾家共人費顧予倦  
棲託終日憂窮匱開口即有求私心豈無愧幸逢東道  
主因輶西征騎對話堪息機披文欲忘味壺觴招過客  
几案無留事綠樹映層城蒼苔覆閒地一言重然諾累  
夕陪宴慰何意秋風來颯然動歸思留歡殊自愜去念  
能爲累草色愁別時槐花落行次臨期仍把手此會良

不易他日瓊樹枝相思勞夢寐

罷攝官後將還舊居留辭李侍御

江海今爲客風波失所依白雲心已負黃綬計仍非累  
辱羣公薦頻霑一尉微去緣焚玉石來爲采葑菲州縣  
名何在漁樵事亦違故山桃李月初服薜蘿衣熊軒分  
朝寄龍韜解賊圍風謠傳吏體雲物助兵威白雪飄辭  
律青春發禮闈引軍橫吹動援翰捷書揮草映翻營綠  
花臨檄羽飛舍吳爭轉戰狂虜怯知機憶昨趨金節臨

時廢玉徽俗流應不厭靜者或相譏世難慵干謁時間  
喜放歸潘郎悲白髮謝客愛清輝樗散材因棄文親迹  
已稀獨愁看五柳無事掩雙扉世界多行路生涯向釣  
磯榜連溪水碧家羨渚田肥旅食傷飄梗巖棲憶采薇  
悠然獨歸去回首望旌旗

贈別于一作羣投筆赴安西

風流一才子經史仍滿腹心鏡萬象生一作全文鋒衆人  
服頃遊靈臺下頻棄荆山玉蹭蹬空數年襄回冀微祿

竭來投筆硯長揖謝親族且欲圖

一作變從一作變

通安能守拘

束本持鄉曲譽肯料泥塗辱誰謂命

一作遠還令計反

身翻覆西戎今未弭參一作胡騎屯山谷坐恃龍豹韜全輕

蜂蠻毒拂衣從此去擁傳一何速元帥許提攜他人佇

瞻矚出門寡儔侶矧乃無僮僕點虜時相逢黃沙暮愁

一作無一作難宿蕭條遠回首萬里如在目漢境天西窮湖山

海邊綠想聞羌笛處淚盡關山曲地濶鳥飛遲風寒馬

毛縮邊愁殊浩蕩離思空斷續塞上

一作歸限一作恨歸賒下

尊前別期促知君志不小一舉凌鴻鵠且願樂從軍功  
名在殊俗

送薛據宰涉縣

自永樂主薄陟狀尋復選受此官

故人河山秀獨立風神異人許白睂長天資青雲器雄  
辭變文名高價喧時議下筆盈萬言皆合古人意一從  
負能名數載猶卑位寶劍誠可用烹鮮是虛棄昔聞在  
河上高臥自無事几案終日間蒲鞭使人畏頃因歲月  
滿方謝風塵吏頌德有熏人薦賢逢入使棲鸞往已屈

馴雀今可嗣此道如不移雲霄坐應致縣前漳水綠郭  
外晉山翠日得謝客遊時堪陶令醉前期今尚遠握手  
空宴慰驛路疎柳長春城百花媚裴回白日隱暝色含  
天地一鳥向灞陵孤雲送行騎夫君多迷作而我常諷  
味賴有瓊瑤資能寬別離思槐陰覆堂殿苔色上階砌  
鳥倦自歸飛雲間獨容濤旣將暮幽絕兼欲看定慧遇  
物忘世緣還家嬾生計無生妄已息有妄心可制心鏡  
常虛明時人自淪翳

早春贈別趙居士還江左時長卿下第歸嵩陽

舊居

見君風塵裏意出風塵外自有滄洲期舍情十餘載深  
居鳳城曲一作北日預龍華會果得一作有僧家緣能遺俗

人態一身今已適萬物知何愛悟法電已空看心水無  
礙且將窮妙理兼欲一作亦尋勝槩何獨謝客遊當爲遠

公輩放舟馳楚郭負杖辭秦塞目送南飛雲令人想吳  
會遙思舊遊處髮鬚疑相對夜火金陵城春煙石頭瀨

滄波極天末萬里明如帶一片孤客帆飄然向青一作殘

鬻楚天合

一作舍

江氣雲色常靄靄隱見湖中山相連數

州內君行意可得全與時人背歸路隨楓林還鄉念尊

菜顧予尚羈束何幸承眄睞素願徒自勤清機本難逮

累幸忝賓薦末路逢沙汰濩落名不成裴回意空大逢

時雖一作難

貴達守道甘易退逆旅鄉夢頻春風客心碎

別君日已遠離念無明晦予亦返柴荆山田事耕來

夜宴洛陽程九主簿宅送楊三山人往天台尋

智者禪師隱居

東林問逋客何處棲幽偏滿腹萬餘卷息機三十年志  
圖良已久鬢髮空蒼然調嘯寄疎曠形骸如棄捐本家  
關西族別業嵩陽田雲臥能獨往山棲幸周旋垂竿不  
在魚賣藥不爲錢藜杖閒倚壁松花常醉眠頃醉青溪  
隱來訪赤縣仙南故自甘賤中朝唯愛賢仍空世諦法  
遠結天台緣魏闕從此去滄洲知所便主人瓊枝秀寵  
別瑤華篇落日掃塵榻春風吹客船此行頗自適物外

誰能牽弄棹白蘋裏挂帆飛鳥邊落潮見孤嶼徹底觀  
澄漣雁過湖上月猿聲峰際天羣峰趨海嶠千里黛相  
連遙倚赤城上瞳瞳初日圓昔聞智公隱此地常安禪  
千載已如夢一燈今尚傳雲龕閉遺影石窟無人煙古  
寺暗喬木春崖鳴細泉流塵既寂冥緬想增嬋娟山鳥  
怨庭樹門人思步蓮夷猶懷永路悵望臨清川漁人來  
夢裏沙鷗飛眼前獨遊豈易愜羣動多相纏羨爾五湖  
夜往來閒扣舷

瓜洲驛奉餞張侍御公拜膳部郎中却復憲臺  
充賀蘭大夫留後使之嶺南時侍御先在淮南

幕府

太華高標峻青陽淑氣盤屬辭傾渤澥稱價掩琅玕楊  
葉頻推中芸香早拜官後來慚轍跡先達仰門闈佐劇  
勞黃綬提綱疾素餐風生趨府步筆偃觸邪冠骨鯁知  
難屈鋒銓豈易干佇將調玉鉉翻自落金丸異議那容  
直專權本畏彈寸心寧有負三黜竟無端適喜鴻私降

旋驚羽檄攢國憐朝市易人怨虎狼殘天地龍初見風  
塵虜未殲隨川歸少海就日背長安副相榮分寄輸忠  
義不刊擊胡馳汗馬遷蜀扈鳴鑾月罷名鄉署星懸上  
將壇三軍搖旆出百越畫圖觀茅茹能相引泥沙肯再  
蟠兼榮知任重交辟許才難勁直隨臺柏芳香動省蘭  
璧從全趙去鵬自北溟搏星象銜新寵風霜帶舊寒是  
非生倚伏榮辱繫悲歡疇昔偏殊眄屯蒙獨永歎不才  
成擁腫失計似邯鄲江國傷移律家山憶考槃一爲鷗

鳥誤三見露華團回首青雲裏應憐濁冰瀾愧將生事  
托羞向鬢毛看知已傷愆素他入自好丹鄉春連楚越  
旅宿寄風湍世路東流水滄江一釣竿松聲伯禹穴草  
色子陵灘度嶺情何遽臨流興未闌梅花分路遠揚子  
上潮寬夢想懷依倚煙波限渺漫且愁無去雁寧冀少  
回鸞極浦春帆迥空郊晚騎單獨憐南渡月今夕送歸  
鞍

至德三年春正月時謬蒙差攝海鹽令聞王師

收二京因書事寄上浙西節度李侍郎中丞行

營五十韻

天上胡星孛人間

一作東山

反氣橫風塵生汙馬河洛縱長

鯨本謂

一作鳥

才非據誰知

一作防

禍已萌食參將可待誅

錯輒爲名萬里兵鋒接三時羽檄驚負恩殊鳥獸流毒

遍黎氓朝市成蕪沒干戈起戰爭人心懸反覆

一作天覆載

道暫虛盈略地侵中土傳烽到上京王師陷魑魅帝座

逼櫬槍渭水嘶胡馬泰山泣漢兵關原馳萬騎煙火亂

千慶鳳駕瞻西幸龍樓議一作北征自將行破竹誰學

去吹笙白日重輪慶玄穹再造榮鬼神潛釋一作畜情夷

狄遠輸誠海內戎衣卷關中賊壘平山川隨轉戰草木

困助一作橫行區宇神功立謳歌一作謡帝業成天回萬象

慶龍見五雲迎小苑春猶在長安日更明星辰歸正位

一作路雷雨發殘生文物登前古簫韶下太清未央新柳

色長樂舊鐘聲八使推邦彥中司案國程蒼生屬伊呂

明主仗一作韓彭兇醜將除蔓茲豪已負荆世危看柱

石時難識忠貞薄伐徵貔虎長驅擁旆旌吳山依重鎮  
江月帶行營金石懸詞律煙雲動筆精運籌初減竈調  
鼎未和羹北虜傳初解東人望已傾池塘催謝客花木  
待春卿昔忝登龍首能傷因驥鳴艱難悲伏仗一作劖提  
握手喜懸衡巴曲誰堪聽秦臺自有情遂令辭短褐仍欲  
請長纓久客田園廢初官印綬輕榛蕪上國路苔蘚北  
山檻嬾慢羞趨府驅馳憶退耕榴花無暇醉蓬髮帶愁  
繁地僻方言異身微俗慮一作累并家憐雙鯉斷才媿小

鱗烹滄海今猶滯青陽歲又更洲香生杜若谿煖遠一作

戲鷁鶩煙水

一作雪

宜春候塞闢

一作開

值晚晴潮聲來萬

井山色映孤城旅夢親喬木歸心亂早鶯倘無知已在

今已訪蓬瀛

尋張逸人山居

危石纔通鳥道空山更有人家桃源定在深處澗水浮  
來落花

發越州赴潤州使院留別鮑侍御

對水看山別離孤舟日暮行遲江南江北春草獨向金陵去時

送陸澧還吳中

一作李嘉祐詩

瓜步寒潮送客楊柳一作花暮雨沾衣故山南望何處秋

草連天獨歸

苦溪酬梁耿別後見寄

一作答秦徵君徐少府春日見集苦溪酬梁耿

別後見

寄六言

清川永路何極

一作清溪落日初低

落日

一作孤舟解攜鳥向一

惆悵孤舟解攜鳥向一

去平蕪遠近人隨流水東西白雲千里萬里明月前溪

後溪惆悵

一作獨恨長沙謫去江潭芳春

一作草萋萋

蛇浦橋下重送嚴維

秋風颸颸鳴條風月相和寂寥黃葉一離一別青山暮  
暮朝朝寒江漸出高岸古木猶依斷橋明日行人已遠  
空餘淚滴回潮

七里灘重送

秋江渺渺水空波越客孤舟欲榜歌手折衰楊悲老大

故人零落已無多

家園瓜熟是故蕭相公所遺瓜種悽然感舊因賦此詩

事去人亡跡自留黃花綠蒂不勝愁誰能更向青門外  
秋草茫茫覓故侯

重送裴郎中貶吉州

猿啼客散暮江頭人自傷心水自流同作逐臣君更遠  
青山萬里一孤舟

尋盛禪師蘭若

秋草黃花覆古阡隔林何處起人煙山僧獨在山中老  
唯有寒松見少年

寄許尊師

獨上雲梯入翠微蒙蒙一作濛濛煙雪映巖扉世人知在中  
峰裏遙禮青山恨不歸

酬李穆見寄

孤舟相訪至天涯萬轉雲山路更賒欲掃柴門迎遠客

青苔黃葉滿貧家

送王司馬秩滿西歸

漢主一作代何時人一作放訪逐臣江邊幾度送歸人同官歲歲先辭滿唯有青山伴老身

寄別朱拾遺

天書遠召滄浪客幾度臨岐病未能江海茫茫春欲遍行人一騎發金陵

會赦後酬王薄所問

江南海北長相憶淺水深山獨掩扉重見太平身人一作  
已老桃源久住不能歸

贈秦系

向風長嘯戴紗巾野鶴由來不可親明日東歸變名姓  
五湖煙水覓何人

酬靈徹公相招

石澗泉聲久不聞獨臨長路雪紛紛如今漸欲生黃髮  
願脫頭冠與白雲

贈崔九載華

憐君一見一悲歌  
歲歲無如老去何  
白屋漸看秋草沒  
青雲莫道故人多

同崔載華贈日本聘使

憐君異域朝周遠  
積水連天何處通  
遙指來從初日外  
始知更有扶桑東

送建州陸使君

漢庭初拜建安侯  
天子臨軒寄所憂  
從此向南無限路

雙旌已去水悠悠

送秦侍御外甥張纂之福州謁鮑大夫秦侍御

與大夫有舊

萬里閨中去渺然孤舟水一作海上入寒煙轅門拜首儒  
衣弊貌似牢之豈不憐

聞奉迎皇太后使沈判官至因有此作

太後德宗皇帝

母也安史之亂失於東都帝即位  
分命使臣周行天下求訪終不得

長樂宮人掃落花君王正候五雲車萬方臣妾同瞻望

疑在曾城阿母家

送劉蕡之道州謁崔大夫

沅水悠悠湘水春  
臨岐南望一沾巾  
信陵門下三千客  
君到長沙見幾人

過鄭山人所居

寂寂孤鶯啼杏園  
寥寥一犬吠桃源

一作白首深歲谷  
口村春山犬吠武

陵  
落花芳草無尋處  
萬壑千峰獨閉門

奉送賀若郎中賦退後之杭州

江上初收戰馬塵  
鶯聲柳色待行春  
雙旌誰道來何暮  
萬井如今有幾人

瓜洲驛重送梁郎中赴吉州

渺渺雲山去幾重  
依依獨聽廣陵鐘  
明朝借問南來客  
五馬雙旌何處逢

奉使鄂渚至烏江道中作

滄洲不復戀魚竿  
白髮那堪戴鐵冠  
客路向南何處是

蘆花干一作十  
里雪漫漫

新息道中作

蕭條獨向汝南行客路多逢漢騎營古木蒼蒼離亂後  
幾家同住一孤城

春日宴魏萬成湘水亭

何年家住在此江濱幾度門前北渚春白髮亂生相

顧老黃鸝自語豈知人

重送道標上人

衡陽千里去人稀遙逐孤雲入翠微春草青青新覆地

深山無路若爲歸

送李判官之潤州行營

萬里辭家事鼓鼙金陵驛路楚雲西江春不肯留歸一作  
行客草色青青送馬蹄

將赴南巴至餘干別李十二

江上花催問禮人鄱陽鷺報越鄉春誰憐此別悲歡異

萬里青山送逐臣

時平後春日思歸

一尉何曾及布衣時平却憶臥柴扉故園柳色催南客  
春水桃花待北歸

送陶十赴杭州攝掾

莫歎江城一掾卑滄洲未是阻心期浙中山色千萬狀  
門外潮聲朝暮時

使還七里瀨上逢薛承規赴江西貶官

遷客歸人醉晚寒孤舟暫泊子陵灘憐君更去三千里  
落日青山江上看

使回赴蘇州道中作

春風何事遠相催  
路盡天涯始却回  
萬里無人空楚水  
孤帆送客到魚臺

昭陽曲

昨夜承恩宿未央  
羅衣猶帶御衣一作爐  
香芙蓉帳小雲

屏暗楊柳風多水殿涼

罪所留繫每夜聞長洲軍笛聲

白日浮雲閉不開  
黃沙誰問治長猜  
只憐橫笛關山月

知處愁人夜夜來

贈微上人

禪門來往翠微間  
萬里千峰在荆一作別山  
何時共到天

台裏身與浮雲處處間

東湖送朱逸人歸

山色湖光併在東  
扁舟歸去有樵風  
莫道野人無外事  
開田鑿井白雲中

舟中送李十八

一作送僧

釋子身心無有分一作紛獨將衣鉢去人羣相思晚望西

林寺唯有鐘聲出自白雲

送李穆歸淮南

揚州春草新年綠未去先愁去不歸淮水問君來早晚

老一作無人偏畏過芳菲

晚春歸山居題窗前竹一作錢起詩題云

暮春歸故山草堂

溪上一作谷口殘春黃鳥稀辛夷花盡杏花飛始憐幽竹山

窗外不改清陰待我歸

御定全唐詩卷一百五十

欽定四庫全書  
欽定全唐詩卷一百五十一

御定全唐詩卷一百五十一

劉長卿

送盧侍御赴河北

謫居爲別倍傷情何事從戎獨遠行千里按圖收故地  
三軍罷戰及春耕江天渺渺鴻初去漳水悠悠草欲生  
莫學仲連逃海上田單空愧取聊城

送子婿崔真父歸長城

送君卮酒不成懽。幼女辭家事伯鸞。  
桃葉宜人誠可詠。柳花如雪若爲看。  
心憐稚齒鳴環去。身愧衰顏對玉難。  
惆悵暮帆何處落。青山無限水漫漫。

送陸澧倉曹西上

長安此去欲何依。先達誰當薦陸機。  
日下鳳翔雙闕迥。雪中人去一作過二陵稀。  
舟從故里難移棹。家住一作在寒塘。  
獨掩扉臨水自傷流落久。一作居贈君空有淚霑衣。

送柳使君赴袁州

宜陽出守新恩至京口因家始願違五柳閉門高士去

三苗按節遠人歸月明江路聞猿斷花暗山城見吏稀

惟有郡

一作舊

齊窗裏岫朝朝空對謝玄暉

戲題贈二小男

異鄉流落頻生子幾許悲歡併在身欲並老容羞白髮  
每看兒戲憶青春未知門戶誰堪主且免琴書別與人  
何幸暮年方有後舉家相對却靄巾

謫官後臥病官舍簡賀蘭侍郎

一作賤睦州祖庸見贈

青春衣繡共稱一作繡宜白首垂一作髮如絲恨不遺江上

正相能

引老向南邦衆所悲歲歲任他芳草綠長沙未有定歸

一作能

期

歲日見新歷因寄都官裴郎中

青陽振蟄初領歷白首銜冤欲問天絳老更能經幾歲  
賈生何事又三年愁占蓍草終難決病對椒花倍自憐  
若道平分四時氣南枝爲底發春偏

江州重別薛六柳八二員外

生涯豈料承優詔世事空知學醉歌江上月明胡鴈過  
淮南木落楚山多寄身且喜滄洲近顧影無如白髮何  
今日龍鍾人共棄媿君猶遣慎風波

青溪口送人歸岳州

洞庭何處鴈南飛江菼蒼蒼客去稀帆帶夕陽千里沒  
天連秋水一人歸黃花衰露開沙岸白鳥銜魚上釣磯  
岐路相逢無可贈老年空有淚霑衣

送靈澈上人還越中

禪客無心杖錫還沃洲深處草堂間身隨敝屨一作經履

殘雪手綻寒衣入舊山獨向青溪依樹下空留白日在

人間那堪別後夜一作長相憶雲木蒼蒼但閉關

送耿拾遺歸上都

若爲天畔獨歸秦對水看山欲暮春窮海別離無限路

隔河征戰幾歸人

一作征陣獨歸人

長安萬里傳雙淚建德干

峰寄一身想到郵亭愁駐馬不堪西望見風塵

和樊使君登潤州城樓

山城迢遞敞高樓露冕吹銕居上頭春草連天隨北望  
夕陽浮水共東流江田漠漠全吳地野樹蒼蒼故蔣州  
王粲尚爲南郡客別來何一作無處更銷憂

餞王相公出牧括州

縉雲詎比長沙遠出牧猶承明主恩城對寒山開畫戟  
路飛秋葉轉朱幡江湖森森連天望旌旆悠悠上嶺翻  
蕭索庭槐空閉閣舊人誰到翟公門

題靈祐和尚故居

歎逝翻悲有此身禪房寂寞見流塵多一作六時行徑空

秋草幾日浮生哭故人風竹自吟遙入磬雨花隨淚共

霧巾殘經窗下依然在憶得山中一作陰問許詢

尋龍井楊老

柴門草舍絕風塵空谷耕田學子真泉咽恐一作豈勞經

龍底一作客一作池又作底山深不覺有秦人手栽松樹蒼蒼老

身臥桃園寂寂春唯有胡麻當雞黍白雲來往未嫌貧

見故人李均所借古鏡恨其未獲歸府斯人已  
亡愴然有作

故人留鏡無歸處今日懷君試暫窺歲久豈堪塵自入  
夜長應待月相隨空憐瓊樹曾臨匣猶見菱花獨映池  
所恨平生還不早如今始挂隴頭枝

聞虞沔州有替將歸上都登漢東城寄贈

淮南搖落客心悲渭水悠悠怨別離早鴈初辭舊關塞  
秋風先入古城池腰章建隼皇恩賜露冕臨人白髮垂

惆悵恨夫一作君先我去漢陽耆老憶旌麾一作旗

獻淮寧一作寧淮軍節度使李相公一作淮西將李中丞又作獻南

王平

建牙吹角不聞一作戰門喧三十登壇衆所尊家散萬金酬

士死

一作死事

身畱持

一劍答君恩漁陽老將多迴席魯

國諸生半在門白馬翩翩春草細

一作綠

郊原一作少陵

西去獵平原

觀校獵上淮西相公

龍驤校獵邵陵東野火初燒楚澤空師事黃公平戰一

載後身騎白馬萬人中笳隨晚吹吟一作曉月吹邊草箭沒

寒青一作雲落塞鴻三十擁旄誰不羨周郎少小立一作有

奇功

送皇甫曾赴上都

東遊久與故人違西去荒涼舊路微秋草不生三徑處  
行人獨向五陵歸離心日遠如流水迴首川長共落暉  
楚客豈勞傷此別滄江欲暮自沾衣

送李錄事兄歸襄鄧

十年多難與君同，幾處移家逐轉蓬。  
白首相逢征戰後，青春已過亂離中。  
行人杳杳看西月，歸馬蕭蕭向北風。  
漢水楚雲千萬里，天涯此別恨無窮。

漢陽獻李相公

退身高臥楚城幽，獨掩閒門一作寒。一作雙扉漢水頭。  
春草雨中行徑沒，暮山江上捲簾愁。  
幾人猶憶一作識孫弘閣百口，同乘范蠡舟。  
早晚却還一作丞，相印十年空被白雲。

留

長沙過賈誼宅

三年謫宦此棲遲萬古惟留楚客一作國悲秋草獨一作漸

尋人去後寒林空見日斜時漢文有道恩猶薄湘水無  
情弔豈知寂寂江山搖落處一作正搖落憐君何事到天涯

奉酬辛大夫喜湖南臘月連日降雪見示之作

長沙者舊拜旌麾一作喜見江潭積雪時柳絮三冬先

北地梅花一夜偏南枝初開窗閣寒光滿欲掩軍城暮

色遲問里何人不相慶萬家同唱郢中詞

登餘千古縣城

孤城上與白

一作追  
邇楚

雲齊萬古荒涼

一作蕭條

楚水西官舍

已空秋草綠女牆猶在夜烏啼

平江渺渺來人遠

一作夕

落日亭亭向客低沙鳥不知陵谷變朝飛

一作還

暮去一作

往弋陽溪

將赴嶺外畱題蕭寺遠公院

寺即梁朝  
蕭內史創

竹房遙閑上方幽苔徑蒼蒼訪昔遊內史舊山空日暮

南朝古木向人秋天香月

一作夜

色同

一作空

僧室華

一作月

落猿啼傍

一作訪  
又作送

客舟此去播遷明主意白雲何事欲

相留

初聞貶謫續喜

一本無上六字

量移登干越亭贈鄭校

書

青青草色滿江洲萬里傷心水自流越鳥豈

一作不知南不

國

一作遠

江花獨向北人愁生涯已逐

一作許

滄浪去

老冤氣初逢渙汗

收何事還邀

一作遷客醉春風日夜

待歸舟

北歸入至德州界偶逢洛陽鄰家李光宰

生涯心事已蹉跎舊路依然此重過近北始知黃葉落  
向南空見白雲多炎州日日人將老寒渚年年水自波  
華髮相逢俱若是故園秋草復如何

自江西歸至舊任官舍贈袁贊府

時經劉展平後

却見同官喜復悲此生何幸有歸期空庭客至逢搖落  
舊邑人稀經亂離湘路來過迴鴈處江城卧聽擣衣時

南方風土勞君問賈誼長沙豈不知

赴南中題

一作林亭一  
畱

褚少府湖上亭子

一作李嘉祐詩

種田東郭傍春陂萬事無情把

一作如弄

釣絲綠竹放侵行

徑裏

一作斷

青山常對卷簾時紛紛花落門空閒寂寂鶯

啼日更遲從此別君千里白雲流水憶佳期

上巳日越中與鮑侍郎泛舟耶溪

蘭橈縵

一作萬

轉傍汀沙應接

一作隔

雲峰到若耶舊浦滿

遠一作

來移渡口垂楊深處有人家永和春色千年在曲

水鄉心萬里賒君見漁船時借問前洲一作桃源幾路入煙

花霞一作

雙峰下哭故人李宥

憐君孤壠塚一作寄雙峰埋骨窮泉復幾重白露空霑九

原草青山猶一作獨

閉數株松圖書經亂知何在妻子因

貧一作移失所從惆悵東臯却歸去人間無處更相逢

使次安陸寄友人

新年草色遠萋萋久客將歸失一作路蹊暮雨不知涓

湏一作口處春風只一作共到穆陵西孤城盡日空花落三

戶無人自鳥啼君在江南相憶否門前五柳幾枝低

哭陳李一作歙州使君

千秋萬古葬一作共平原素業一作惟有清風及子孫旅櫬歸

程傷道路舉家行哭向田園空山寂寂開新壠一作喬

木蒼蒼掩舊門一作寒山搖落空殘壠故里疎蕪獨掩門儒行公才竟何在

一作處一獨憐棠樹一枝存一作故將脩作更何用

酬屈突陝

落葉紛紛滿四鄰蕭條環堵絕風塵鄉看秋草歸無路  
何處家對寒江病且貧藜杖懶迎征騎客菊花能醉去  
官人憐君計畫誰知者但見蓬蒿空沒身

送惠法師遊天台因懷智大師故居

翠屏瀑布一作布知何在鳥道猿啼過幾重落日獨搖金  
策去深山誰向石橋逢定攀巖下一作上叢生桂欲買雲  
中若箇峰憶想東林禪誦處寂寥惟聽舊時鐘

自夏口至鸚鵡洲夕望岳陽寄源一作中丞

江洲無浪復無煙楚客相思益渺然漢口夕陽斜渡鳥

洞庭秋水遠連天孤城背嶺寒吹角獨戍臨江夜泊船

賈誼上書憂漢室長沙謫去

一作遷

古今憐

送侯中丞流康州

長江極目帶楓林匹馬孤雲不可尋遷播共知臣道枉  
猜讒却爲主恩深轅門畫角三軍思驛路青山萬里心  
北闕九重誰許屈獨看湘水淚霑襟

別送

一作嚴士元

嚴士元

一作送嚴員外

嚴士元

一作吳中贈別

嚴士元

一作送郎士元

嚴士元

一作李

嘉祐

詩

春風倚棹閨閣間

一作寒

陰復晴

一作水閣天

又

作水國春細雨濕衣看人

一作

不見閒花落地聽無聲

日

斜江上孤帆影草綠湖南萬里情

一作程

東道

一作君去若逢

相識問青袍今日

一作已

誤儒生

避地江東畱別淮南使院諸公

長安路絕鳥飛通萬里孤雲西復東

舊業已

應成茂草

餘生只是任飄蓬何辭向

一作物

開秦鏡却使他人得

楚弓此去行持一竿竹等閒將狎釣漁翁

罪所上御史惟則

誤因微祿滯南昌幽繁園扉晝夜長黃鶴翅垂同燕雀  
青松心在任風霜斗間誰與看寃氣盆下無由見太陽  
賢達不能同感激更於令一作何處問蒼蒼

送台州李使君兼寄題國清寺

露冕新承明主恩山城別是武陵源花間五馬時行縣  
山外千峰常在門晴江洲渚帶春草古寺杉松深暮猿

知到應真飛錫處因君一想已忘言

獄中聞收東京有赦

傳聞闕下降絲綸爲報關東滅虜塵壯志已憐成白首  
餘生猶待發青春風霜何事偏傷物天地無情亦愛人  
持法不須張密網恩波自解惜枯鱗

溫湯客舍

冬狩溫泉歲欲闌宮城佳氣晚宜看湯熏仗裏千旗暖  
雪照山邊萬井寒君門獻賦誰相達客舍無錢輒自安

且喜禮闈秦鏡在還

一作盡

將妍醜付赴

一作

春官

送孫逸歸廬山

得帆字

鑪峰絕頂楚雲銜楚客東歸棲此北

一作巖彭蠡湖邊香

橘柚潯陽郭外暗楓杉青山不斷三湘道飛鳥空隨萬

里帆常愛此中多勝事新詩他日佇開緘

送馬秀才落第歸江南

南客懷歸鄉夢頻東門悵別柳條新慙慙斗酒城陰暮  
蕩漾孤舟楚水春湘竹舊班思帝子江離初綠怨騷人

憐君此去未得意陌上愁看淚溝巾

送常十九歸嵩少故林

迢迢此恨杳無涯楚澤嵩丘千里賒歧路別時驚一葉  
雲林歸處憶三花秋天蒼翠寒飛鴈古堞蕭條晚噪鴉  
他日山中逢勝事桃源洞裏幾人家

送宇文遷明府赴洪州張觀察追攝豐城令時長

鄉亦在  
此州

送君不復遠爲心余亦扁舟湘水陰路逐山光何處盡

春隨草色向南深陳蕃待客應懸榻文賤之官獨抱琴  
儻見主人論謫宦爾來空有白頭吟

送李將軍一作送開府姪隨故李使君旅櫬却赴上都

征西諸將一莫如君報德誰能不顧勲身逐塞鴻來

萬里手披荒江一作草看孤墳擒生絕漠經一作臨胡雪懷

舊長沙哭楚雲歸去蕭條灞陵上幾人看葬李將軍

西陵寄一上人

東山訪道成開一作成士南渡隋陽作本師了義惠心能

善誘吳風越俗罷淫祠室中時見天人命物外長懸海  
獄期多謝清言異玄度懸河高論有誰持

賦得一作皇甫冉詩題作春思

鶯啼燕語報新年馬邑龍堆路幾千家住層城臨漢苑  
心隨明月到胡天機中錦字論長恨樓上花枝笑獨眠  
爲問元戎寶車騎何時返旆勒燕然

三月一作日李明府後亭泛舟一作皇甫冉詩

江南風景復如何聞道新亭更欲過處處紺蘭春浦綠

萋萋籍草遠山多壺觴須就陶彭澤時俗猶傳晉永和  
更待持橈徐轉去微風落日水增波

喜朱拾遺承恩拜命赴任上都

詔書徵拜脫荷裳身去東山閉草堂閭九天通奏作  
楚籍華亭一鶴在朝行滄洲離別風煙遠青瑣幽深漏  
刻長今日却迴垂釣處海鷗相見已高翔

鄖上送韋司士歸上都舊業

司士即鄭公之孫頃客於鄖上

前朝舊業想遺塵今日他鄉獨爾身鄖地國除爲過客

杜陵家在有何人蒼苔白露生三徑古木寒蟬滿四鄰

西去茫茫問歸路關河漸近淚盈巾

一作此去茫茫盡秋草離心萬里逐

輪征

感懷

秋風

一作青楓

落葉正堪悲黃菊殘花欲待誰水近偏逢寒

氣早山深常見日光遲愁中卜命看周易夢裏招魂讀

楚詞自笑不如湘浦鴈飛

一作春

來即是北歸時

送楊於陵歸宋汴

一無此字

州別業

半山溪雨帶斜暉向水殘花映客衣旅食嗟余當歲晚  
能文似汝少年稀新河柳色千株暗故國雲帆萬里歸  
離亂要知君到處寄書須及鴈南飛

送崔使君赴壽州

列郡專城分國憂彤幨皂蓋古諸侯仲華遇主年猶少  
公瑾論功位已酬草色青青迎建隼蟬聲處處雜鳴鶻  
千里相思如可見淮南木葉正驚秋

上陽宮望幸

玉輦西巡久未還春光猶入上陽間萬木長承新雨露  
千門空對舊河山深花寂寂宮城閑細草青青御路間  
獨見彩雲飛不盡只應來去候龍顏

過裴舍人故居

慘慘天寒獨掩一作閉扃紛紛黃葉滿一作落空庭孤墳何

處依山木百口無家學汎一作水萍離花猶及重陽發鄰

笛那堪落日聽書幌無人長不捲秋來芳草自爲螢

登松江驛樓北望故園

淚盡江樓北望歸田園已陷百重圍平蕪萬里無人去  
落日千山空鳥飛孤舟漾漾寒潮小極浦蒼蒼遠樹微  
白鷗漁父徒相待未掃櫂槍嬾息機

秋夜有懷高三十  
一作皇  
適兼呈空上人

甫冉詩

晚節逢君趣道深結茅栽樹近東林吾師幾度曾摩頂  
高士何年遂發心北渚三更聞過鴈西城萬里動寒砧  
不見支公與玄度相思擁膝坐長吟

送孔巢父赴河南軍

一作皇甫冉詩

江南相送隔煙波況復新秋一鴈過聞道全軍征北虜  
又言詩將會南河邊心冉冉鄉人絕寒色青青戰馬多  
共許陳琳工奏記知君名行未蹉跎

登潤州萬歲樓一作皇

甫冉詩

高樓獨上思依依極浦遙山合翠微江客不堪頻北望  
塞鴻何事又南飛垂山古渡寒煙積孤步空洲遠樹稀  
聞道王師猶轉戰更能談笑解重圍

江樓送太康郭主簿赴嶺南

對酒憐君安可論  
當官愛士如平原  
料錢用盡却爲謗  
食客空多誰報恩  
萬里孤舟向南越  
蒼梧雲中暮帆滅  
樹色應無江北秋  
天涯尚見淮陽月  
驛路南隨桂水流  
猿聲不絕到炎州  
青山落日那堪望  
誰見思君江上樓

客舍喜鄭三見寄

一作訪

客舍逢君未換衣  
閉門愁見桃花飛  
遙想故園今已爾  
家人應念行人歸  
寂寞垂楊映深曲  
長安日暮靈臺宿  
窮巷無人鳥雀閒  
空庭新雨苔苔綠  
北中分與故交疎

何幸仍迴長者車十年未稱平生意好得辛勤謾讀書

送賈三北遊

賈生未達猶窘迫身馳疋馬邯鄲陌片雲郊外遙送人  
斗酒城邊暮畱客顧予他日仰時髦不堪此別相思勞  
雨色新添漳水綠夕陽遠照蘇門高把袂相看衣共緇  
窮愁只是惜良時亦知到處逢下榻莫滯秋風西上期

齊一和尚影堂

一公住世志世紛暫來復去誰能分身寄虛空如過客

心將生滅是浮雲蕭散浮雲往不還  
淒涼遺教歿仍傳舊地愁看雙樹在空堂  
只是見一作

只是見一作

一燈懸一燈長照恒

河沙雙樹猶落諸天花天花寂寂香深殿苔蘚蒼蒼閥虛院昔余精念訪禪扉常接微言清一作道  
親一作道機今來寂寘無所得唯共門人淚滿衣

穎川畱別司倉李萬

故人早負干將器誰言未展平生意想君疇昔高步時肯料如今折腰事且知投刃皆若虛日揮案牘常有餘

槐暗公庭趨小吏荷香陂水膾鱸魚客裏相逢款話深  
如何歧路剝靄襟白雲西上催歸念蘋水東流是別心  
落日征驂隨去塵含情揮手背城闕已恨良時空此別  
不堪秋草更愁人

聽笛歌

畱別鄭  
協律

舊遊憐我長沙謫載酒沙頭送遷客天涯望月自霜衣  
江上何人復吹笛橫笛能令孤客愁綠波淡淡如不流  
商聲寥亮羽聲苦江天寂歷江楓秋靜聽關山聞一叶

三湘月色悲猿嘯又吹楊柳激繁音千里春色傷人心  
隨風飄向何處落唯見曲盡平湖深明發與君離別後  
馬上一聲堪白首

時平後送范倫歸安州

昨聞戰罷圖麟閣破虜收兵卷戎幕滄海初看漢月明  
紫微已見胡星落憶昔扁舟此南渡荆棘煙塵滿歸路  
與君攜手姑蘇臺望鄉一日登幾迴白雲飛鳥去寂寞  
吳山楚岫空崔嵬事往時平還舊丘青青春草近家愁

洛陽舉目今誰在  
潁水無情應自流  
吳苑西人去欲稀  
畱連一日空知非  
江潭歲盡愁不盡  
鴻鴈春歸身未歸  
萬里遙懸帝鄉憶  
五年空帶風塵色  
却道長安逢故人  
不道姓名應不識

小鳥篇上裴尹

藩籬小鳥何甚微  
翩翩日夕空此飛  
只緣六翮不自致  
長似孤雲無所依  
西城點點斜暉落  
衆鳥紛紛皆有託  
獨立雖輕燕雀羣  
孤飛還懼鷹鶲搏  
自憐天上青雲路

弔影徘徊獨愁暮衝花縱有報恩時擇木誰容托身處  
歲月蹉跎飛不進羽毛顚頷何人問遙樹空隨鳥鵲驚  
巢林只有鷦鷯分主人庭中蔭喬木愛此清陰欲棲宿  
少年挾彈遙相猜遂使驚飛往復迴不辭奮翼向君去  
唯怕金丸隨後來

登吳古城歌

登古城兮思古人感賢達兮同埃塵望平原兮寄遠目  
歎姑蘇兮聚麋鹿黃池高會事未終滄海橫流人蕩覆

伍員殺身誰不冤竟看墓樹如所言越王嘗膽安可敵  
遠取石田何所益一朝空謝會稽人萬古猶傷甬東客  
黍離離兮城坡墮牛羊踐兮牧豎歌野無人兮秋草綠  
園爲墟兮古木多白楊蕭蕭悲故柯黃雀啾啾爭晚禾  
荒阡斷兮誰重過孤舟逝兮愁若何天寒日暮江楓落  
葉去辭風水自波

疲兵篇

騎虜乘秋下薊門陰山日夕煙塵昏三軍疲馬力已盡

百戰殘兵軀

一作功

未論陣雲浹深屯塞北羽書紛紛來

不息孤城望處增斷腸折劍看時可露臆元戎日夕且

歌舞不念關山久辛苦自矜倚劍氣凌雲却笑聞笳淚

如雨萬里飄飄空此身十年征戰老胡塵赤心報國無

片賞白首還家有幾人朔風蕭蕭動枯草旌旗獵獵榆

關道漢月何曾照客心胡笳只解催人老軍前仍欲破

重圍閨裏猶應愁未歸小婦十年啼夜織行人九月憶

寒衣飲馬滹河晚更清行吹羌笛遠歸營只恨漢家多

苦戰徒遺金鏹滿長城

新安送陸灋歸江陰

新安路人來去早潮復晚潮明日知何處  
潮水無情亦解歸自憐長在新安住

弄白鷗歌

泛泛江上鷗毛衣皓如雪朝飛瀟湘水夜宿洞庭月一  
有洞庭二字歸客正夷猶愛此滄江間白鷗

長沙贈衡岳祝融峰般若禪師

般若公般若公負鉢何時下祝融歸路却看飛鳥外禪  
房空掩白雲中桂花寥寥閒自落流水無心西復東

贈湘南漁父

問君何所適暮暮逢煙水獨與不繫舟往來楚雲裏釣  
魚非一歲終日只如此日落江清桂楫遲纖鱗百尺深  
可窺沈鈎垂餌不在得白首滄浪空自知

明月灣尋賀九不遇

楚水日夜綠傍江春草滋一作青青遙滿目萬里傷心

歸歸一作故人川上復何之  
明月灣南空所思故人不在  
明月在誰見孤舟來去時

題曲阿三昧王佛殿前孤石

孤石自何處對之疑一作舊遊氣氤峩首夕蒼翠剝中

秋迥出羣一作奇峰當殿前雪山靈鷲慙貞堅一片孤雲  
長不去莓苔古色空蒼然

送友人東歸

對酒灞亭暮相看愁自深河邊草已綠此別難爲心闌

路迢迢足馬歸垂楊寂寂數鶯飛憐君獻策十餘載今  
日猶爲一布衣

入桂渚次砂牛石穴

一本無  
石字

扁舟傍歸路日暮瀟湘深湘水清見底楚雲淡無心片  
帆落一作遵桂渚獨夜依楓林楓林月出猿聲苦桂渚天

寒桂花吐此中無處不堪愁江客相看淚如雨

嚴陵釣臺送李康成赴江東使

潺湲子陵瀨鬢鬚如在目七里人已非千年水空綠新

安江上孤帆遠應逐楓林萬餘轉古臺落日共蕭條  
寒水無波更清淺臺上漁竿不復持却令猿鳥向人悲灘  
聲山翠至今在遲爾行舟晚泊時

送姨子弟往南郊

一展慰久闊寸心仍未伸別時兩童稚及此俱成人那  
堪適會面遽已悲分首客路向楚雲河橋對衰柳送君  
足馬別河橋汝南山郭寒蕭條今我單車復西上郎去  
灞陵轉惆悵何處共傷離別心明月亭亭兩鄉望

銅雀臺

嬌愛更何日高臺空數層含啼映雙袖不忍看西陵漳  
河東流無復來百花輦路爲蒼苔清樓月夜長寂寞碧  
雲日暮空徘徊君不見鄴中萬事非昔時古人不一作何  
在今人悲春風不逐君王去草色年年舊宮路宮中歌  
舞已浮雲空指行人往來處

王昭君歌

自矜嬌豔色不顧丹青人那知粉繪能相負却使容華

翻謨身上馬辭君嫁驕虜玉顏對人啼不語北風鴈急  
浮雲清一作秋萬里獨見黃河流纖腰不復漢宮寵雙蛾  
長向胡天愁琵琶弦中苦調多蕭蕭羌笛聲相和誰憐  
一曲傳樂府能使千秋傷綺羅

送杜越江佐觀省往新安江

去帆楚天外望遠愁復積想見新安江扁舟一行客清  
流數千丈底下看白石色混元氣深波連洞庭碧鳴桹  
去未已前路行可覲猿鳥悲啾啾杉松雨聲夕送君東

赴歸寧期新安江水遠相隨見說江中孤嶼在此行應

賦謝公詩

湘中憶歸

終日空理棹經年猶別家頃來行已遠彌覺天無涯白  
雲意自深滄海夢難隔迢迢萬里帆飄颻一行客獨憐  
西江外遠寄風波裏平湖流楚天孤鴈渡湘水湘流澹  
澹空愁予猿啼啾啾滿南楚扁舟泊處聞此聲江客相  
看淚如雨

送郭六侍從之武陵郡

常愛武陵郡  
羨君將遠尋  
空憐世界迫  
孤負桃源心  
洛陽遙想桃源隔  
野水閒流春自碧  
花下常迷楚客船  
洞中時見秦人宅  
落日相看斗酒前  
送君南望但依然  
河梁馬首隨春草  
江路猿聲愁暮天  
丈人別乘佐分憂  
才子趨庭兼勝遊  
澧浦荆門行可見  
知君詩興滿滄洲

山鶲鵠歌

一作章  
應物詩

山鶲鵠長在此山  
吟古木嘲哳相呼響  
空谷哀鳴萬變

如成曲江南逐臣悲放逐倚樹聽之心斷續巴人峽裏  
自聞猿燕客水頭空擊筑山鶴鵠一生不及雙黃鵠朝  
去秋田啄殘粟暮入寒林嘯羣族鳴相逐啄殘粟食不  
足青雲杳杳無力飛白露蒼蒼抱枝宿不知何事守空  
山萬壑千峰自愁獨

望龍山懷道士許法稜

心惆悵望龍山雲之際鳥獨還懸崖絕壁幾千丈綠蘿  
嫋嫋不可攀龍山高誰能踐靈原中蒼翠晚嵐煙瀑水

如向人終日迢迢空在眼中有一人披霓裳誦經山頂  
飧瓊漿空林閒坐獨焚香真官列侍儀成行朝入青霄  
禮玉堂夜掃白雲眠石牀桃花洞裏居人滿桂樹山中  
住日長龍山高高遙相望

戲贈于越尼子歌

鄱陽女子年十五家本秦人今在楚厭向春江空浣沙  
龍宮落髮披袈裟五年持戒長一食至今猶自顏如花  
亭亭獨立青蓮下忍草禪枝繞精舍自用黃金買地居

能嫌碧玉隨人嫁北客相逢疑姓秦鉛花拋却仍青春  
一花一竹如有意不語不笑能畱人黃鸝欲棲白日暮  
天香未散經行處却對香爐閒誦經春泉漱玉寒泠泠  
雲房寂寂夜鐘後吳音清切令人聽人聽吳音歌一曲  
杳然如在諸天宿誰堪世事更相牽惆悵迴船江水渌

游四窗

四明山絕奇自古說登陸蒼崖倚天立覆石如覆屋玲  
瓏開戶牖落落明四目箕星分南野有斗挂簷北日月

居東西朝昏互出沒我來游其間寄傲巾半幅白雲本  
無心悠然伴幽獨對此脫塵鞅頓忘榮與辱長笑天地  
寬仙風吹佩玉

和中丞出使恩命過終南別業

不過林園久多因寵遇偏故山長寂寂春草過年年花  
待朝衣間雲迎驛騎連松蘿深舊閣樵木散閒田拜闕  
貪搖珮看琴懶更一作著弦君恩催早入已夢傳巖邊

岳陽樓

行盡清溪日已蹉  
雲容山影兩嵯峨  
樓前歸客怨秋夢  
湖上美人疑夜歌  
獨坐高高風勢急  
平湖渺渺月明多  
終期一艇載樵去  
來往片帆愁白波

春望寄王涔陽

清明別後雨晴時  
極浦空顰一望  
著湖畔春山煙點點  
雲中遠樹墨離離  
依微水戍聞鉦鼓  
掩映沙村見酒旗  
風暖草長愁自醉  
行吟無處寄相思

留辭

南楚迢迢通漢口西江水  
林森森去揚州春風已遣歸心促  
縱復芳菲不可留

御定全唐詩卷一百五十一

謹案卷一百五十一第十四頁後五行心隨明月  
到胡天刊本心訛花據別本改

A	B	C	D	E	F	G	H	I	J



總校官庶吉士臣張能照  
校對官檢討臣蕭九成  
謄錄貢生臣江長煊

欽定四庫全書

會要

集部

御定全唐詩卷一百五十七

二至  
七

欽定四庫全書  
唐詩卷一百五十二

集部

御定全唐詩卷一百五十二

顏真卿

顏真卿字清臣京兆長安人博學工辭章事親孝開元  
中舉進士又擢制科調醴泉尉累遷殿中侍御史忤宰  
相楊國忠出為平原太守安祿山反河朔盡陷獨平原  
城守具備使司兵參軍李平馳奏明皇大喜即拜戶部  
侍郎肅宗即位靈武真卿數遣使以蠟丸裹書陳事拜

工部尚書兼御史大夫為河北招討採訪處置使至德  
二年朝于鳳翔授憲部尚書遷御史大夫軍國之事知  
無不言為宰相所忌出為馮翊太守改蒲州刺史御史  
唐旻誣劾貶饒州刺史旋拜浙西節度使召入為刑部  
侍郎李輔國銜之貶蓬州長史代宗立起為戶部侍郎  
除荆南節度使未行改尚書右丞尋除檢校刑部尚書  
兼御史大夫封魯國公與元載不合貶陝州別駕改吉  
州司馬遷撫湖二州刺史載誅擢刑部尚書進吏部盧

杞當國益惡之改太子太師李希烈陷汝州杞奏遺真  
卿往諭拘脅累歲不屈而死贈司徒謚文忠真卿立朝  
正色剛而有禮非公言直道不萌於心天下不以姓名  
稱而獨曰魯公善真草書筆力遒婉世寶傳之詩一卷

題杼山癸亭得暮字

亭陸鴻漸所創

杼山多幽絕勝事盈跬步前者雖登攀淹留恨晨暮及  
茲紓勝引曾是美無度歛構三癸亭實為陸生故高賢  
能剏物疏鑿皆有趣不越方丈間居然雲霄遇巍峩倚

脩岫曠望臨古渡左右苔石攢低昂桂枝蠹山僧狎猨  
狹巢鳥來枳椇俯視何楷臺傍瞻戴顯路遲迴未能下

夕照明村樹

謝陸處士杼山折青桂花見寄之什

羣子遊杼山山寒桂花白綠荑含素萼采折自逋客忽  
枉巖中詩芳香潤金石全高南越蠹豈謝東堂策會愴  
名山期從君恣幽觀

贈裴將軍

大君制六合猛將清九垓戰馬若龍虎騰凌何壯哉將軍臨八荒烜赫耀英材劒舞若游電隨風燦且迴登高望天山白雲正崔巍入陣破騎虜威名雄震雷一射百馬倒再射萬夫開匈奴不敢敵相呼歸去來功成報天子可以畫麟臺

贈僧皎然

秋意西山多別岑榮左次繕亭歷三癸趾趾鄰什寺元化隱靈蹤始君啓高致誅榛養翹楚鞭草理芳穂俯砌

披水容逼天掃峰翠境新耳目換物遠風塵異倚石忘  
世情援雲得真意嘉林幸勿剪禪侶欣可庇衛法大臣  
過佐遊羣英萃龍池護清澈虎節到深邃徒想棗頂期  
于今沒遺記

詠陶淵明

張良思報韓龍勝恥事新狙擊不肯就舍生悲縉紳鳴  
呼陶淵明奕葉為晉臣自以公相後每懷宗國屯題詩  
庚子歲自謂羲皇人手持山海經頭戴漉酒巾興逐孤

雲外心隨還鳥泯

三言擬五雜組二首

五雜組繡與錦往復還興又寢不得已病伏枕  
五雜組甘鹹醋往復還烏與兔不得已韶光度

使過瑤臺寺有懷圓寂上人

并序

真卿昔以天寶元年尉醴泉亟過瑤臺寺圓寂上  
人院秩滿遷監察御史巡覆諸陵而上人已去一作離  
此寺大歷十三年春二月以刑部尚書謁拜昭

陵慨然有懷

上人居此寺不出三十年萬法元無著一作靈法一心

唯趣禪忽紓塵外軫遠訪區中一作世間緣及爾不復見支

提猶岌一作歸然

登平望橋下作

登橋試長望望極與天平際海兼葭色終朝鳬鴈聲近  
山猶一作全髮鬚遠水忽微明更覽諸公作知高題柱名

刻清遠道士詩因而繼作

不到東西寺于今五十春  
竭來從舊賞林壑宛相親  
吳子多藏日秦王厭勝辰  
劒池穿萬仞盤石坐千人  
金氣騰為虎琴臺化若神  
登壇仰生一捨宅歎珣珉  
中嶺分雙樹迴巒絕四鄰  
窺臨江海接崇飾四時新  
客有神仙者於茲雅麗陳  
名高清遠峽文聚斗牛津  
跡異心寧間聲同質豈均  
悠然千載後知我揖光塵

卷一百五十二

御定全唐詩卷一百五十二

欽定四庫全書  
欽定全唐詩卷一百五十三

集部

御定全唐詩卷一百五十三

李華

李華字遐叔贊皇人開元中第進士擢宏辭科累官監  
察御史右補闕以受安祿山僞署貶杭州司戶上元中  
召為左補闕司封員外郎華稱疾不拜李峴領選江南  
表置幕府擢檢校吏部員外郎苦風痺去官客隱山陽  
勒子弟力農安於窮槁大歷初卒集三十卷今編詩一

卷

雜詩六首

黃鍾叩元音律呂更循環邪氣悖正聲鄭衛生其間典  
樂忽涓微波浪與天渾嘈嘈鵠梟動好鳥徒絲蠻王吉  
歸鄉里甘心長閉關

玄黃與丹青五氣之正色聖人端其源上下皆有則齊  
侯好紫衣魏帝婦人飾女奴厭金翠傾海未滿臆何忍  
嚴子陵羊裘死荆棘

甘酸不私人元和運五行生人受其用味正心亦平爪  
牙相踐傷日與性命爭聖人不能絕鑽燧與炮烹嗜慾  
乘此熾百金資一傾正銷神耗衰邪勝體充盈顏子有  
餘樂瓢中寒水清

陰魄淪宇宙太陽假其明臣道不敢專由此見虧盈未  
聞東菑稼一氣嘉穀成上天降寒暑地利乃可生葛藟  
附柔木繁陰蔽曾原風霜摧枝幹不復庇本根女蘿依  
松柏然後得長存

孔光尊董賢胡廣慚李固儒風冠天下而乃敗王度絳侯與博陸忠朴受遺顧求名不考實文弊反成蠹

結交得書生書生鈍且直爭權復爭利終不得其力我  
逢縱橫者是我牙與翼相旋如疾風竝命趨紫極奔車  
得停軌風火何相逼仁義豈有常肝膽反為賊勿嫌書  
生直鈍直深可憶

詠史十一首

昂藏獬豸獸出自太平年亂代乃潛伏縱人為禍愆嘗

聞斷馬劍每壯朱雲賢身死名不滅寒風吹墓田精靈  
如有在幽憤滿松煙

漢皇修雅樂乘輿臨太學三老與五更天王親割牲一  
人調風俗萬國和且平單于驟款塞武庫欲銷兵文物  
此朝盛君臣何穆清至今墳壇下如有簫韶聲

巢許在嵩穎陶唐不得臣九州尚洗耳一命安能親縣  
邈數千祀丘中誰隱淪朝遊公卿府夕是山林人蒲帛  
揚側陋薜蘿為縉紳九重念入夢三事思降神且設庭

中燎寧窺泉下鱗

漢時征百粵楊僕將樓船幕府功未立江湖已騷然島夷非敢亂政暴地仍偏得罪因懷璧防身輒控弦三軍求裂土萬里詎聞天魏闕心猶在旗門首已懸如何得良吏一為制方圓

秦滅漢帝興南山有遺老危冠揖萬乘幸得厭征討當君逐鹿時臣等已枯槁寧知市朝變但覺林泉好高臥

三 一作十年相看成四

一作首成

皓帝言翁甚善見顧何不

早咸稱太子仁重義亦尊道側聞驪姬事申生不自保  
暫出商山雲竭來趨灑掃東宮成羽翼楚舞傷懷抱後  
代無其人戾園滿秋草

日照崑崙上一作山

羽人披羽衣乘龍駕雲霧欲往心無

違此山在西北乃是神仙國靈氣皆自然求之不可得

何為漢武帝精思一作意

偏羣山

糜費巨萬計宮車終不

還蒼蒼茂陵樹足以戒人間

天生忠與義本以佐雍熙何意李司隸而當昏亂時古

墳襄城野斜徑橫秋波況不禁樵采茅莎無了遺高標  
尚可仰精爽今何之一忤中常侍銜冤誰見知嘗觀黨  
錮傳撫卷不勝悲

文侯耽鄭衛一聽一忘餐白雪燕姬舞朱弦趙女彈涇  
聲流不返惄蕩日無端獻歲受朝時鳴鐘譙百官兩牀  
陳管磬九奏殊未闌對此唯恐臥更能整衣冠

蜀主相諸葛功高名亦尊驅馳千萬衆怒目瞰中原曹  
伯任公孫國亡身不存社宮久蕪沒白鴈猶飛翻勿言

君臣合可以濟黎元為蜀諒不易如曹難復論

六國韓最弱末年尤畏秦鄭生為韓計且欲渡秦人利物可分社原情堪滅身咸陽古城下萬頃稻苗新

沂水春可涉泮宮映楊葉麗色異人間珊瑚搖珮環展

禽桓一作常

獨處深巷生禾黍城上飛海雲城中暗春雨

適來鳴珮者復是誰家女泥沾珠綴履雨濕翠毛簪電影開蓮臉雷聲飛蕙心自言沂水曲采萍兼采菉歸逕雖可尋天陰光景促憐君貞且獨願許君家宿徒勞惜

衾枕了不顧雙蛾豔質誠可重淫風如禮何周王惑襄  
姒城闕成陂陁

雲母泉詩

并序

洞庭湖西玄石山谷謂之墨山山南有佛寺寺倚  
松嶺下有雲母泉泉出石引流分渠周遍庭宇發  
如乳漚末派如淳漿烹茶浙蒸灌園漱齒皆用之  
大浸不盈大旱不耗自墨山西北至石門東南至  
東陵廣輪二十里盡生雲母牆階道路炯炯如列

星井泉溪澗色皆純白鄉人多壽考無癬痼搔  
之疾華深樂之潁川陳公天寶中與華同為諫官  
公性與道合忽於權利方挂冠投簪顧華以名山  
之契乾元初公貶清江丞移武陵丞華貶杭州司  
功恩復左補闕上元中俱奉詔徵公自清江至武  
陵道路多虞制書不至華泝江而西次於岳陽江  
山延望日夕相顧屬思與高賢共飲雲母之泉躬  
耕墨山之下敢違朝命以徇私欲秋風露寒洞庭

微波一聞猿聲不覺涕下况支離多病年甫始衰  
願餌藥扶壽以究無生之學事乖志負火葵予心  
寄懷此篇亦以書余之志也

晨登玄石嶺嶺上寒松聲朗日風雨霽高秋天地清山  
門開古寺石竇舍純精洞徹淨金界黃緣流玉英澤藥  
滋畦茂氣染茶甌馨飲液盡肴壽食和皆體平瓊漿駐  
容髮甘露瑩心靈岱谷謝巧妙匡山徒有名願言構蓬  
蓆荷鋤引泠泠訪道出人世招賢依福庭此心不能已

寤寐見吾兄曾結穎陽契窮年無所成東西同放逐蛇  
豕尚縱橫江漢阻攜手天涯萬里情恩起憔悴西上  
謁承明秋色變江樹相思紛以盈猿啼巴丘戊月上武  
陵城共恨川路永無由會友生雲泉不可忘何日遂躬  
耕

寄趙七侍御

并序

自餘干溪行經弋陽至上饒山川幽麗思與雲卿  
同遊邈不可得因敘疇年之素寄懷於篇云

搖槳曙江流江清山復重心愜賞未足川迴失前峰凌

灘出極浦曠若天池

一作地

通君陽青嵯峨開拆混元中

九潭魚龍窟仙成羽人宮陰與潛鬼物精光動煙空玄

猿啼深龍

楚越謂竹樹深者為龍

白鳥戲葱蒙飛湍鳴金石

激湍鼓雷風雨濯萬木鮮霞照千山濃草閑長餘綠花

靜落幽紅渚煙見晨釣山月聞夜春覆溪窈窕波涵

一作

滔石淘

一作淘

溶溶丹丘忽聚散素壁相奔衝白日破昏

靄靈山出其東勢排昊蒼上氣壓吳越雄迴頭望雲卿

此恨發吾衷昔日蕭邵遊

蕭穎士  
邵軫

四人繆成童屬詞慕

孔門入仕希上公緯卿陷非罪折我昆吾鋒

邵字緯卿  
以寃橫貶

卒南中

茂挺獨先覺拔身渡京虹斯人謝明代百代墜鶴

鴻

蕭天寶未知亂棄官往東殯葬先人逝于江南

世故墜橫流與君哀路窮

逆胡陷兩京予與趙受辱賊中相顧無死節蒙恩逐殊封

華貶杭州司功趙貶泉州

晉江尉天波洗其瑕朱衣備朝容

華承恩累遷尚書郎趙拜補闕御史

一別

凡十年豈期復相從餘生得攜手遺此兩孱翁羣遷失

鶯羽後凋惜長松衰旅難重別悽悽滿心胸遇勝悲獨

遊貪奇悵孤逢禽尚彼何人胡為東樊籠吾師度門教  
投弁躡遐蹤

仙遊寺

有龍潭穴  
弄玉祠

捨事入樵逕雲木深谷口萬壑移晦明千峰轉前後疑  
然龍潭上石勢若奔走開拆秋天光崩騰夏一作萬雷吼  
靈谿自茲去紆直互紛糾聽聲靜復喧望色無更有冥  
冥翠微下高殿映杉柳滴滴洞穴中懸泉響相扣昔時  
秦王女羽化年代久日暮松風來蕭聲生左右早窺神

仙籙願結芝  
术友安得羨門方  
青囊繫吾肘

春遊吟

初春遍芳甸  
千里藹盈矚  
美人摘新英  
步步翫春綠  
所思杳何處  
宛在吳江曲  
可憐不得共  
芳菲日暮歸來淚

滿衣

長門怨

弱體鴛鴦薦  
啼妝翡翠衾  
鴉鳴秋殿曉  
人靜禁門深  
每憶椒房寵  
那堪永巷陰  
自驚羅帶緩  
非復舊來心

奉使朔方贈郭都護

絕塞臨光祿孤營佐貳師鐵衣山

一作三

月冷金鼓朔風

悲都護徵兵日將軍破虜時揚鞭玉關道回首望旌旗

尚書都堂瓦松

華省祕仙蹤高堂露瓦松葉因春後長花為雨來濃影  
混鴛鴦色光含翡翠容天然斯所寄地勢太無從接棟  
臨雙闕連甍近九重寧知深澗底霜雪歲兼封

海上生明月

科試

皎皎秋中月團團海上生影開金鏡滿輪抱玉壺清漸  
出三山上將凌一漢橫素娥嘗藥去烏鵲遶枝驚照水  
光偏白浮雲色最明此時堯砌下蓂莢自將榮

晚日湖上寄所思

與君為近別不啻遠相思落日平湖上看山對此時

寄從弟

眼病身亦病浮生已半空迢迢千里月應與惠連同

奉寄彭城公

公子三千客人人願報恩應憐抱闕者貧病老夷門

春行寄興

宜陽城下草萋萋澗水東流復向西芳樹無人花自落  
春山一路鳥空啼

御定全唐詩卷一百五十三